



Gradonačelnik
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Broj. 02-16-14560/19-21
Mostar, 10.01.2020.godine

Na osnovu člana 100. stav (3), člana 70. stav (1), (4) i (6), člana 69. stav (2) tačka d) Zakona o javnim nabavkama („Službeni glasnik BiH“ broj 39/14) (Zakon), člana 43. Statuta Grada Mostara („Gradski službeni glasnik Grada Mostara“ broj: 4/04, „Službeni glasnik Grada Mostara“ broj: 8/09 i 15/10), postupajući po Žalbi ponuđača „Emado“ d.o.o. Sarajevo izjavljenju na Odluku o izboru najpovoljnijeg ponuđača broj: 02-16-14560/19-15 od 02.12.2019.godine, gradonačelnik Grada Mostara donio je

ODLUKU **o poništenju postupka nabavke računara**

Član 1.

Usvaja se žalba ponuđača „Emado“ d.o.o. Sarajevo izjavljenju na Odluku o izboru najpovoljnijeg ponuđača u postupku nabavke računara broj: 02-16-14560/19-15 od 02.12.2019.godine.

Član 2.

Poništava se postupak javne nabavke računara iz razloga da nijedna dostavljena ponuda nije prihvatljiva – član 69. stav (2) tačka d) Zakona.

Član 3.

Ova Odluka će se objaviti na web-stranici www.mostar.ba istovremeno sa upućivanjem ponuđačima koji su učestvovali u postupku javne nabavke.

Obrazloženje

Ugovorni organ Grad Mostar pokrenuo je postupak javne nabavke računara putem otvorenog postupka a prema Obavještenju o nabavci broj: 1059-1-1-61-3-70/19 koje je objavljeno na Portalu javnih nabavki dana 09.10.2019.godine („Službeni glasnik BiH“ broj 71/19).

Nakon izvršene analize i ocjene dostavljenih ponuda, provedene e-aukcije donesena je Odluka o izboru najpovoljnijeg ponuđača u postupku javne nabavke računara broj: 02-16-14560/19-15 od 02.12.2019.godine, na koju je izabrani ponuđač „Emado“ d.o.o. Sarajevo izjavi žalbu dana 12.12.2019.godine.

Postupajući u skladu sa članom 100. Zakona, utvrđeno je da je Žalba blagovremena, dopuštena i izjavljenju od ovlaštenog lica, pa se pristupilo razmatranju Žalbe.

Žalitelj u Žalbi navodi:

- Nakon izvršenog uvida u ponudu drugoplasiranog ponuđača „Katarina“ d.o.o. Mostar utvrđeno je više tehničkih nepravilnosti,

- U ponudi ponuđača „Katarina“ d.o.o. Mostar za računalo pod stavkom 3. CT računalo - specificirana radna memorija je nezadovoljavajuće brzine: zahtijevana 2666MHz, dostavljena 2400MHz,
- Ponuđena je garancija u trajanju od 12 mjeseci, a zahtijevana je u trajanju od 24 mjeseca,
- Ponuđeni monitor pod stavkom 4. ne zadovoljava zahtijevani minimalni raspon „Tiltable“,
- Nekvalifikovanom ponuđaču je dozvoljeno učešće u postupku e-aukcije,
- Traži se ponovni postupak ocjene ponuda u skladu sa Zakonom,
- U slučaju neprihvatanja Žalbu proslijediti URŽ-u BiH.

Razmatrajući i postupajući po žalbenim navodima izvršen je ponovni pregled dostavljenih ponuda pa je nakon izvršenog ponovnog pregled ponude ponuđača „Katarina“ d.o.o. Mostar utvrđeno da ova ponuda nije prihvatljiva za ugovorni organ iz razloga da ponuđena roba ne ispunjava tehničke karakteristike zahtijevane tenderskom dokumentacijom tačka 9. stavka 3. i 4. Tehničke specifikacije (RAM, garantni rok, Tilt).

Ponovljenim pregled i provjerom prihvatljivost ponude Žalitelja utvrđeno je da ponuda ponuđača „Emado“ d.o.o. Sarajevo nije prihvatljiva za ugovorni organ iz razloga da ponuđena roba ne ispunjava tehničke karakteristike zahtijevane tenderskom dokumentacijom tačka 9. stavka 4. Tehničke specifikacije (dinamički kontrast).

Na osnovu naprijed navedenog, primjenom člana 100. stav (3) i člana 69. stav (2) tačka d) Zakona, odlučeno je kao u dispozitivu.

Pouka o pravnom lijeku:

Protiv ove odluke ugovornog organa može se izjaviti žalba URŽ-u BiH, putem ugovornog organa, u roku od 5 (pet) dana od dana prijema odluke.



Gradonačelnik

Ljubo Bešlić

Dostaviti:

1. „Emado“ d.o.o. Sarajevo
2. „Katarina“ d.o.o. Mostar
3. Tajništvo gradonačelnika/objava na web-stranici
4. Službi za budžet i finansije
5. u spis
6. a/a